



საქართველოს გაერთიანებული
წყარმომარაგების კომპანია
UNITED WATER SUPPLY COMPANY OF GEORGIA

ბრენდირებული საქონლის შესყიდვის გამარტივებული ელექტრონული ტენდერი

(CPV 22462000 - სარეკლამო მასალა)

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანების საფუძველზე

ქ. თბილისი
2016 წელი

სარჩევი

1. ტექნიკური დოკუმენტაცია	3
2. სახელმწიფო შესყიდვის შესახებ ხელშეკრულების პროექტი	5
3. დამატებითი ინფორმაცია	9
4. დანართი N1, პრეტენდენტის შეთავაზება	10
5. დანართი N2, ფასების ცხრილი	11
6. დანართი N3, ტექნიკური პირობები	12

1. ტექნიკური მოთხოვნები

1.1 შესყიდვის ობიექტია შ.პ.ს „საქართველოს გაერთიანებული წყალმომარაგების კომპანიის“ 2016 წლის საკუთარი სახსრებით ბრენდირებული საქონლის სახელმწიფო შესყიდვა (ძირითადი მახასიათებლები მოცემულია დანართ 3-ში)

1.2 შესყიდვის სავარაუდო ღირებულებაა 34465 ლარი დ.ღ.გ-ს გარეშე, სატენდერო წინადადების ფასის წარმოდგენა დასაშვებია მხოლოდ ეროვნულ ვალუტაში-ლარში.

1.3 პრეტენდენტმა სატენდერო წინადადების ფასში არ უნდა გაითვალისწინოს დღგ, მიუხედავად იმისა, არის თუ არა ის დღგ-ს გადამხდელი საქართველოს კანონმდებლობის შესაბამისად. შემსყიდველი ორგანიზაცია ვალდებულია ხელშეკრულების ღირებულებაში გაითვალისწინოს სატენდერო წინადადების ფასის შესაბამისი დღგ-ს ოდენობა, თუ ხელშეკრულების დადების მომენტისთვის პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად, რისთვისაც პრეტენდენტმა უნდა წარმოადგინოს შესაბამისი დამადასტურებელი დოკუმენტი.

1.4 „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 2¹ პუნქტის საფუძველზე, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის საფუძველზე, 3 (სამი) სამუშაო დღის ვადაში უნდა წარმოადგინოს (სისტემაში ატვირთოს) ფასწარმოქმნის ადეკვატურობის დამადასტურებელი დოკუმენტი. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით ან/და სერთიფიცირებული აუდიტის დასკვნით (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამგები პირის შესაბამისი უფლებამოსილების/აკრედიტაციის დამადასტურებელი დოკუმენტი) ან შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან/და ანგარიშგაქტურით (ინვოისით). აღნიშნულის წარმოდგენილობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას.

1.5 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.6 პრეტენდენტი ვალდებულია ნებისმიერი უცხოურენოვანი დოკუმენტის წარმოდგენის შემთხვევაში ასევე წარმოადგინოს იგი ქართულ ენაზე ნათარგმნი და ნოტარიულად დამოწმებული.

1.7 პრეტენდენტის მიერ სისტემაში ტექნიკურ დოკუმენტაციის სახით ატვირთული უნდა იყოს:

- 1) პრეტენდენტის შეთავაზება (რეკვიზიტები, ინფორმაცია ანგარიშსწორების შესახებ), დანართი N1-ის მიხედვით.
- 2) ფასების ცხრილი ტექნიკური დოკუმენტაციის დანართი N2-ის შესაბამისად.
- 3) ტექნიკური შესაბამისობის ფორმა ტექნიკური დოკუმენტაციის დანართი N3-ის მიხედვით.
- 4) ინფორმაცია პრეტენდენტის მიერ ბრენდირებული საქონლის მიწოდების ან/და ნივთებზე ბეჭდვის მომსახურების შესახებ დანართი N4 შესაბამისად. მიმწოდებელს უნდა გააჩნდეს ბრენდირებული საქონლის მიწოდების ან/და ნივთებზე ბეჭდვის მომსახურების გამოცდილება (მათ შორის არანაკლებ ერთი ხელშეკრულების ბილბორდისა და საინფორმაციო ბანერის დამზადების გამოცდილება), რის დასტურადაც უნდა წარმოადგინოს 2013, 2014 და 2015 წლებში გაფორმებული არანაკლებ 5 (ხუთი) დასრულებული ხელშეკრულებისა.

შენიშვნა: იმ შემთხვევაში თუკი პრეტენდენტის მიერ არ იქნება შევსებული დანართი 4-ის მე-7 გრაფა იგი ვალდებულია ასევე ატვირთოს გაწეული მომსახურების დამადასტურებელი დოკუმენტაცია (ხელშეკრულებები და მიღება-ჩაბარების აქტები ან სხვა სახის რაიმე დოკუმენტი რითაც დადასტურდება ანალოგიური მომსახურების გამოცდილება)

1.8 შემსყიდველ ორგანიზაციას უფლება აქვს მოითხოვოს საქონლის ნიმუში. ნიმუშის მოთხოვნის შემთხვევაში, პრეტენდენტი ვალდებულია შემსყიდველი ორგანიზაციის წერილობითი მოთხოვნის საფუძველზე 3 (სამი) სამუშაო დღის ვადაში წარმოადგინოს შესყიდვის ობიექტის ნიმუში (შემდეგ მისამართზე: ქ. თბილისი, ვაჟა-ფშაველას ქ. N76ბ.) პრეტენდენტის მიერ ნიმუშის წარმოადგენლობა ან მისი შეუსაბამობა სატენდერო განცხადების ან/და სატენდერო დოკუმენტაციის მოთხოვნებთან, ან სისტემის მეშვეობით პრეტენდენტის მიერ წარმოდგენილ ტექნიკურ დოკუმენტაციასთან, გამოიწვევს მის დისკვალიფიკაციას სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ წესის მე-13 მუხლის მე-2 პუნქტის „ა“ ქვეპუნქტის საფუძველზე. პრეტენდენტის მიერ წარმოდგენილი შესყიდვის ობიექტის ნიმუში დაუზუსტებას არ ექვემდებარება. პრეტენდენტს შესყიდვის ობიექტის ნიმუში დაუბრუნდება გონივრულ ვადაში.

1.9 ანგარიშსწორების პირობები:

- 1.9.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით (დღგ-ს გარდა).
- 1.9.2 ანგარიშსწორება მოხდება უნაღდო ანგარიშსწორებით ლარში.
- 1.9.3 დაფინანსების წყარო შპს „საქართველოს გაერთიანებული წყალმომარაგების კომპანიის“ 2016 წლის სახსრები.
- 1.9.4 ანგარიშსწორება განხორციელდება ეტაპობრივად, ფაქტიურად მიწოდებული საქონლის მიხედვით, მიღება-ჩაბარების აქტის საფუძველზე და სხვა დოკუმენტაციის (საგადასახადო ანგარიშ-ფაქტურა (დღგ-ს გადამხდელის შემთხვევაში), სასაქონლო ზედნადები) წარდგენიდან 30 (ოცდაათი) კალენდარული დღის ვადაში.
- 1.9.5 წინასწარი ანგარიშსწორება არ გამოიყენება.

1.10 მიწოდების პირობები და ვადები:

- 1.10.1 მისაწოდებელი საქონელი უნდა აკმაყოფილებდეს დანართი N3-ში მოცემულ მახასიათებლებს.
- 1.10.2 შესყიდვის ობიექტის (დანართი N3-ის პირველ, 7-11 პოზიციებზე გათვალისწინებულ საქონლის) მიწოდება განხორციელდება ხელშეკრულების გაფორმებიდან 30 კალენდარული დღის განმავლობაში, ხოლო (დანართი N3-ის 2-6 პოზიციებზე გათვალისწინებულ საქონლის) მიწოდება განხორციელდება შემსყიდველის მოთხოვნის საფუძველზე, ეტაპობრივად, 2016 წლის 20 დეკემბრის ჩათვლით.

1.10.3 საქონლის მიწოდება უნდა განხორციელდეს მიმწოდებლის ხარჯით შემსყიდველის მისამართზე: ქ. თბილისი, შპს „საქართველოს გაერთიანებული წყალმომარაგების კომპანიის“ ცენტრალური ოფისი, ვაჟა-ფშაველას N76ბ.

1.10.4 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

1.10.5 მიმწოდებელმა საქონლის მიწოდებისას უნდა წარმოადგინოს სასაქონლო ზედნადები და საგადასახადო ანგარიშ-ფაქტურა (დღგ-ს გადამხდელის შემთხვევაში).

1.11 ფასები

1.11.1 პრეტენდენტის მიერ წარმოდგენილ ფასები მოცემული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით (დღგ-ს გარდა).

1.11.2 შემსყიდველი უფლებამოსილია საქონილი შეისყიდოს მხოლოდ მისი საჭიროების შესაბამისი რაოდენობით.

შენიშვნა:

- სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი უნდა იყოს ხელმძღვანელის ან პრეტენდენტის უფლება მოსილი პირის მიერ უფლებამოსილების მინიჭების დამადასტურებელი დოკუმენტის წარმოდგენით.
- ყველგან თუკი სადმე მითითებულია სასაქონლო ნიშანი, მოდელი ან მწარმოებელი იგულისხმება „მსგავსი“ ან „ექვივალენტური“.

ხელშეკრულება სახელმწიფო შესყიდვის შესახებ (პროექტი)

ხელშეკრულების პირობების საბოლოო ვარიანტი შეიძლება დაზუსტდეს ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ. თბილისი

_____ 2016 წ.

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილი მისი დირექტორის _____ სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, „სახელმწიფო შესყიდვის შესახებ“ საქართველოს კანონისა და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

იმის გათვალისწინებით, რომ შემსყიდველმა ჩაატარა გამარტივებული ელექტრონული ტენდერი

შესყიდვის ობიექტის მოკლე აღწერა

შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი შემდეგ თანხაზე: -----

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება გამარტივებულ ელექტრონულ ტენდერში და მიაწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1 წინამდებარე ხელშეკრულების საგანს წარმოადგენს შემსყიდველისათვის **ბრენდირებული საქონლის** მიწოდება (22400000-მარკები, ჩეკების წიგნაკები, ბანკნოტები, აქციები, სარეკლამო მასალა, კატალოგები და სახელმძღვანელოები; CPV 22460000 - სარეკლამო მასალა).
- 2.2 ხელშეკრულებით გათვალისწინებული საქონლის ზუსტი აღწერა და რაოდენობა მოცემულია ფასების ცხრილში (დანართი N_), რომელიც წარმოადგენს ხელშეკრულების განუყოფელ ნაწილს.

3. შესყიდვის ობიექტის მიღება-ჩაბარების წესი

შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება ჩაბარების აქტებზე ხელმოწერას და საქონლის მიღების დადასტურებას განახორციელებენ შპს „საქართველოს გაერთიანებული წყალმომარაგების კომპანიის“ უფლებამოსილი წარმომადგენლები).

4. ანგარიშსწორება

- 4.1 ანგარიშსწორება მოხდება ლარებში.
- 4.2 გადახდის ფორმა – უნაღდო.
- 4.3 დაფინანსების წყარო შპს „საქართველოს გაერთიანებული წყალმომარაგების კომპანიის“ 2016 წლის სახსრები.
- 4.4 ანგარიშსწორება განხორციელდება ეტაპობრივად, ფაქტიურად მიწოდებული საქონლის მიხედვით, მიღება-ჩაბარების აქტის საფუძველზე და სხვა დოკუმენტაციის (საგადასახადო ანგარიშ-ფაქტურა (დღგ-ს გადამხდელის შემთხვევაში), სასაქონლო ზედნადები) წარდგენიდან 30 (ოცდაათი) კალენდარული დღის ვადაში.
- 4.5 წინასწარი ანგარიშსწორება არ გამოიყენება.

5. ფასები

- 5.1 შესყიდვის ობიექტის ფასი განისაზღვრება ლარებში.
- 5.2 შესყიდვის ობიექტის საერთო ღირებულება შეადგენს ----- (-----) ლარს.
- 5.3 ხელშეკრულების ზუსტი ღირებულება გამოითვლება ფაქტიურად გაწეული მომსახურების მიხედვით.
- 5.4 მისაწოდებელი საქონლის ერთეულის ღირებულება მოცემულია დანართში N_ (ფასების ცხრილი).
- 5.5 შემსყიდველი უფლებამოსილია საქონილი შეისყიდოს მხოლოდ მისი საჭიროების შესაბამისი რაოდენობით.

6. საქონლის მიწოდების პირობები

- 6.1 მისაწოდებელი საქონელი უნდა აკმაყოფილებდეს დანართი N_– ში მოცემულ ტექნიკურ მახასიათებლებს.
- 6.2 შესყიდვის ობიექტის (დანართი N3-ის პირველ, 7-11 პოზიციებზე გათვალისწინებულ საქონლის) მიწოდება განხორციელდება ხელშეკრულების გაფორმებიდან 30 კალენდარული დღის განმავლობაში, ხოლო (დანართი N3-ის 2-6 პოზიციებზე გათვალისწინებულ საქონლის) მიწოდება განხორციელდება შემსყიდველის მოთხოვნის საფუძველზე, ეტაპობრივად ხელშეკრულების გაფორმებიდან 2016 წლის 20 დეკემბრის ჩათვლით.
- 6.3 საქონლის მიწოდება უნდა განხორციელდეს მიმწოდებლის ხარჯით შემსყიდველის მისამართზე: ქ. თბილისი, შპს „საქართველოს გაერთიანებული წყალმომარაგების კომპანიის“ ცენტრალური ოფისი, ვაჟა-ფშაველას N76ბ.
- 6.4 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.
- 6.5 მიმწოდებელმა საქონლის მიწოდებისას უნდა წარმოადგინოს სასაქონლო ზედნადები და საგადასახადო ანგარიშ-ფაქტურა (დღგ-ს გადამხდელის შემთხვევაში).

7. მხარეთა უფლება-მოვალეობანი

- 7.1 „შემსყიდველი“ უფლებამოსილია:
 - ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;
- 7.2 „შემსყიდველი“ ვალდებულია:
 - ა) უზრუნველყოს „მიმწოდებლის“ მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 7.3 „მიმწოდებელი“ უფლებამოსილია:
 - ა) მოსთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 7.4 „მიმწოდებელი“ ვალდებულია:
 - ა) მიაწოდოს „შემსყიდველს“ სათანადო ხარისხის და რაოდენობის საქონელი.
 - ბ) უზრუნველყოს საქონლის მიწოდება ტექნიკური დავალების შესაბამისად;
 - გ) უზრუნველყოს მისი ბრალეულობით „შემსყიდველისთვის“ მიყენებული მატერიალური და არა მატერიალური ზარალის ანაზღაურება.

8 ხელშეკრულებაში ცვლილებების შეტანა

- 8.1 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

- 8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის მოთხოვნათა გათვალისწინებით.

9 ხელშეკრულების პირობების შეუსრულებლობა

- 9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.
- 9.2 ხელშეკრულებით ნაკისრი ვალდებულებების შეუსრულებლობის შემთხვევაში, „მიმწოდებელი“ ჯარიმდება ხელშეკრულების ჯამური ღირებულების 3 (სამი) პროცენტის ოდენობით.
- 9.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, „შემსყიდველი“ იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 9.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან. ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს საქონლის ღირებულებიდან, იმ შემთხვევაში თუ საქონლის მიწოდება არ არის განხორციელებული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შესმსყიდველის სასარგებლოდ, ხოლო იმ შემთხვევაში თუ საქონლის ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესმსყიდველის სასარგებლოდ საჯარიმო თანხებსა და საქონლის ღირებულებას შორის არსებული სხვაობა შესმსყიდველის სასარგებლოდ.

10 ხელშეკრულებაში ცვლილების შეტანა და ხელშეკრულების შეწყვეტა

- 10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2 „მიმწოდებლის“ მიერ ხელშეკრულების პირობების შეუსრულებლობის შემთხვევაში „შემსყიდველი“ უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.3 „შემსყიდველი“ ვალდებულია 10.2 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 10.4 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11 ფორს-მაჟორი

- 11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.
- 11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.
- 11.4 მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

12 დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს სასამართლოს მოქმედი კანონმდებლობის შესაბამისად.

13 ხელშეკრულების მოქმედების ვადა

წინამდებარე ხელშეკრულება ძალაშია მასზე ხელმოწერის დღიდან და მოქმედებს 2017 წლის 31 იანვრის ჩათვლით.

14 სხვა პირობები

- 14.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 14.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 14.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 14.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

შპს „საქართველოს გაერთიანებული წყალმომარაგების
კომპანია“

მიმწოდებელი:

2 დამატებითი ინფორმაცია

1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში მიმართვის შემთხვევაში: ქ. თბილისი, ვაჟა-ფშაველა 76 ბ

საკონტაქტო პირი: ნანა გახოკიძე
ტელეფონი: +995 5 77 38 11 37; +995 32 2919060 (150)
ელ.ფოსტა: n.gakhokidze@water.gov.ge

2. სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურა: ტენდერისთვის „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოითხოვოს სატენდერო განცხადებისა და სატენდერო დოკუმენტაციის დაზუსტება.

პრეტენდენტის შეთავაზება

1.	პრეტენდენტის იურიდიული ფორმა და დასახელება:	
	ხელმძღვანელის სახელი და გვარი:	
	პრეტენდენტის იურიდიული ან/და ფაქტიური მისამართი:	
	საიდენტიფიკაციო კოდი:	
	პრეტენდენტის ტელეფონის ნომერი:	
	ელექტრონული ფოსტა:	
	ბანკი:	
	ბანკის კოდი:	
	ანგარიშის ნომერი:	
2	ინფორმაცია ანგარიშსწორების შესახებ:	სატენდერო დოკუმენტაციის 1.9 პუნქტის შესაბამისად.

პრეტენდენტის ხელმოწერა -----

ფასების ცხრილი

პრეტენდენტის დასახელება _____

შესყიდვის ობიექტის დასახელება	ძირითადი მახასიათებელი	წარმოშობის ქვეყანა/მწარმო ებელი	რაოდ.	ერთეულის ფასი	საერთო ღირებულება	მიწოდების ვადა	მიწოდების ადგილი	შენიშვნა
1	2	3	4	5	6	7	8	9

პრეტენდენტის ხელმოწერა _____

ტექნიკური პირობები

N	შესყიდვის ობიექტის დასახელება	ძირითადი მახასიათებელი	რაოდენობა/ განზომილების ერთეული	მიახლოებითი ნიმუში
1	აბრები (თანამდებობრივი, სანიშნე, აღმნიშვნელი)	ალუმინის კომპოზიტი ფხაკიანი ზედაპირით ორგანული მინა ბეჭდვა პრინტერით ნიკელის სამაგრიტ. აბრის ზომა სიგრძე 14 სმ, სიგანე 30 სმ	150 ცალი	
2	ბრენდირებული კალამი	ბრენდირებული კალამი, სრულფეროვანი ადგილობრივი ბეჭდვა. ბრენდირება ერთ ადგილას სრულფეროვანი ბეჭდვა. პლასტმასი ლურჯი, ნიკელის კლიფსი, ლურჯი ფერის.	500 ცალი	
3	ბრენდირებული მეხსიერების ბარათი	8 გეგაბაიტი, ბრენდირება გრავირებით ნიკელი, ზომა შეთანხმებით.	400 ცალი	
4	ბრენდირებული ბლოკნოტი	ბრენდირებული ბლოკნოტი, ყოველდღიური, ტყავის ყდიტ, ზომა A5 , 368 გვ. ბრენდირება კლიშეთი ყდაზე, ასევე ბრენდირება ლოგოთი შიდა ფურცლებზე. შიგთავსი 80 გრ ოფსეტი, სრულფეროვანი ბეჭდვა, ტყავის ყდაზე ლოგო, კლიშეს ზომა 50მმ /50მმ	600 ცალი	
5	ბრენდირებული ნაჭრის პარკი	ნაჭრის პარკები 100 % კოტონი, ზომა 320მმX290მმ, ბეჭდვა ერთ ფერში. პარკი ცისფერი, ლოგო თეთრი ფერის.	200 ცალი	
6	ბრენდირებული მუყაოს პარკი	300 გრ ცარცი გლუვი ლამინაციით 37/20. ქაღალდის პარკი, სრულფეროვანი 2 მხრივი ბეჭდვით, პარკი ცისფერი, ლოგო თეთრი ფერის	300 ცალი	
7	მისალოცი ბარათი	300 გრ ცარცი, მატოვი ლამინაციით, შერჩევითი ლაქით. მისალოცი ბარათის ზომა 14 სმ სიგრძე - სიგანე 18 / უნდა გადაიკვეცოს შუაში ნიმუში ახლავს თან. სრულფეროვანი ბეჭდვა	1500 ცალი	
8	პლაკატი	170 გრ მატოვი ცარცი, პოსტერის ზომა: 297 მმx 420მმ	300 ცალი	
9	საინფორმაციო ბანერი	ბანერი 440 მიკრონიანი, მაღალი ხარისხის ბეჭდვა რკინის სადგამი კონსტრუქციით	31 ცალი	
10	ბილბორდის დამზადება განთავსება	ბანერი 510 მიკრონიანი, მაღალი ხარისხის ბეჭდვა, განთავსება არსებულ კონსტრუქციაზე ზომა 3 მეტრი / 6 მეტრზე.	5 ცალი	
11	აბრები (თანამდებობრივი, სანიშნე, აღმნიშვნელი)	UV ბეჭდვა მინაზე, ბრენდირება . აბრის ზომა სიგრძე 14 სმ , სიგანე 32 სმ	10 ცალი	

შენიშვნა: მომწოდებელმა უნდა უზრუნველყოს დიზაინი, შემსყიდველთან შეთანხმებით.

პრეტენდენტის ხელმოწერა _____

ინფორმაცია 2013-2015 წლებში გაწეული მომსახურების შესახებ

პრეტენდენტის დასახელება: _____

N	გაწეული მომსახურების დასახელება	ვადები		დამკვეთი	გაწეული მომსახურების ღირებულება	CMR-ის ნომერი SPA-ნომერი
		დასაწყისი	დასასრული			
1	2	3	4	5	6	7
1						
2						
3						
4						
5						
6						
7						
8						
9						
10						
11						
12						
13						
14						
15						
16						
17						
18						
19						
20						

შენიშვნა: ცხრილის მე-7 სვეტი ივსება მხოლოდ იმ შემთხვევაში, თუკი მომსახურება გაწეულია შემსყიდველი ორგანიზაციის დაკვეთით და ხელშეკრულება ატვირთულია შესყიდვების ერთიან ელექტრონულ სისტემაში.